

天皇至道太清玉冊序

陪一

倚歎感哉余謂世有非常之人而能為非常之事不然則天道之幽玄道源之深遠孰能究其實哉夫破白雲攀倉藤躋翠阜登層巒涉萬仞之險昇泰岳之巔下視寰塊自以為

部一

高也孰不知披天風躡鴻毛履長虹跨蒼虬邀遊乎太虛之表捫日月握星斗詆青冥俯視塵壤其志又何其大也自非咀三靈之華吸九光之芒漱紫瓊之腴嚙元氣之真首安能遊神玄閭駕景闕履空青而隨道哉

今是書之作也若義取之出滄溟杲日之破昏冥可以滌凡塵之俗陋藻太華之神英是以駐心靈域探至道於天津點契太玄握神樞於紫極而日嘗蹟至真之神奧究造化之樞機亦有年矣於是剖玄黃之未造剖混沌

於先天泄泰鴻未露之機明太素生物之始上自溟涬之未判下至人文之始著自有道教以來三皇建極五帝承天其奉道而修天道者其教之事物有未備言奧有未宣制度有未傳儀制有未正余乃考而新之非余則

孰能為焉於是三沐薰修質於神明告於天帝大發群典續類分編悉究其事大宣玄化其天地之始分造化之始判道統之始起儀制之式器用之備水冠禮樂之制天心靈秘之奧道門儀範之規立為定制舉道門之

所用皆載此書也於是命其名曰天皇至道太清玉冊自開闢以來至于今日上下百千萬億斯年有國有家者莫不上奉天道下修人事所以建國丘以祀天立方丘以祭地皆以天道為尊也凡誥命之端必曰奉天承運

周書曰上天眷命湯書曰明王奉若天道未嘗不奉天道而承天運也吁玄風之不振也又矣余於是使道海揚波再鼓拍天之巨浪神光驟發重開絕域之幽陰正所謂望洪濤之暨天非起于淨池之中觀玄翰之汪穢非

出於章句之徒余豈敢自矜者哉是書也乃若叱咤風運鞭蒼龍而沛時雨其宣道也若翺翔天宇駕黃鶴以凌空明其制度也若恍兮振靈籟於丹霄其製物也若豁兮發神聽於銀漢一新玄造何其壯哉遂壽諸梓使天

下後世知夫天皇之大道有如此之盛者不亦偉歟

皇明第二甲子正統之九年正月之九日也南極選齡老人臞仙書



神

原道

南極選齡老人臞仙撰

臞仙曰稽夫道教之源昔在混茫始判人道未備天命我道祖軒轅黃帝承

陸

九皇之運乘六龍以御天代天立極以定三才當是時也天地尚未昭晰無有文字結繩以代政無有房屋巢居以穴處無有衣裳結草以蔽體無有器用汗尊而杯飲我道祖軒轅黃帝始創製文字製衣服作宮室

( 206 ) A. 6. 15 - 7

制器用而人事始備今九派之中三教之內所用之文字所服之衣裳所居之房屋所用之器皿皆

黃帝之始制是皆出於吾道家

黃帝之教焉且夫老子謂生天生地生人生

萬物必有所生者曰吾不知其名強名曰道

強字之曰大故曰大道其教曰道教世方有

道字之名以是論之凡言修道學道者是皆

竊老子之言以道為名也豈非老氏之徒乎

又若老子所謂玄之又玄為衆妙門玄妙二

字又皆竊之為名用之於經者是皆用老子

之言也又若莊子書曰有大覺而後知聖人

此大覺二字乃莊子所立之名微宗取之而

封金仙其經皆用之是皆出於吾道家之書

黃帝老莊之教也昔西伯以二童子侍老子

老子與其名一曰吉祥一曰如意後人皆用

之是皆竊老氏之言也豈非老氏之徒乎其

黃帝之為教也創制萬物以宣

天道為治世首君自謂觀天之道執天之行

盡矣見乎陰符經老子之為教也按爾雅及

藝文志曰清虛以自守卑弱以自持人君南面之術也合於堯舜之克讓易之謙謙一謙而四益此其所長也故以國為身治國如治身是謂貴以身為天下若可寄天下愛以身為天下乃可托天下皆備齊治平之道也見乎道德經此皆

中國聖人之道也故曰正道所謂正道者何

中國者居天地之中得天地之正氣其人形

貌正音聲正其教也不異言非先王之法言

不敢言是無翻譯假托之辭也不異服非先

王之法服不敢服所服者黃帝之衣冠是以

有黃冠之稱也不毀形身體髮膚受之父母

不敢毀傷孝之始也得其道者白日上昇飛

騰就天以顯父母孝之終也不去姓不忘其

親不滅其祖人子之孝也朝修有儀行君臣

之禮臣事

上帝人臣之義也讀聖人之書行聖人之道

循乎禮義儒道一理也其道在天地未分之

先所有其教在三皇之世所立又非孔子所

謂後世有述焉異端起而大義乖也其徒中

國者列之於上外夷者列之於下教有先後之別人有夷夏之分貴賤之殊也其女真之修道也不出閨門不羣聚於宮觀不藏匿於女男衣衫有辨教無邪僻也不以因果禍福報應之說惑世誣民也不以捨身捐資布施

為福通人以取財也不恃所生之天不忘所

生之土生於中國奉中國之道不忘乎本理

也反此道者則不正矣其教也施諸四海行

諸天下極天所覆極地所載日月所照霜露

所墜凡有生之民所稱之道所用之字所服

之衣所居之室所用之器皆吾

中國聖人黃帝老子之所製也豈非皆出於

吾道教哉周書曰域中有四大曰道大天大

地大王大三界之內大無加於此也孔子曰

生而知之上也學而知之次也因而學之又

其次乎凡有修有為之法聖人之所不取故

不為大况非在闢闢與天地並立而有者乎

是以道教以天為主曰天道者何其盛歟余

嘗見滅儒道之書有云其滅道也使大羅玉

帝魂驚於九天之中元始天尊墮落于三清

之上等語忌言蜂生難以筆述其滅儒也謂孔子之教治世少用不達性命惟說見世止可稱賢人不足稱聖又云孔子名位同俗不異常人祖述先王自無教訓止可修述非為教源孔子所言矯世法也孟軻所言疾專一

耳儒宗齷齪但叙俗中之一物耳是皆用黃帝所製之文字而作書反滅

黃帝之教詆孔老之學毀

天帝而自尊不亦過之甚矣噫老子曰上士不爭下士好爭大惟不爭故天下莫能與之

爭此聖人已有見於先也余年方十有一在齷此時遇一青衣老嫗謂曰爾勿忘夙念六十年後方許開口余故直書其事曰于昔在少昊之四十七年當昭陽赤奮若之歲奉太清之命封河東寧景之主至商武丁三十

一年系兆崦茂之歲一千二十九年上界

太清特進南極冲虛妙道真君南極九十四宮之位在天二千六百九十九年

太清授以蓬萊玉璽太陽金符令予下降人間以注

天道使振玄風握靈樞而開玄化也於是立點三界注名天府又何俸歟乃是書發天地秘藏之奧發日月霄漢之光彼燐火之縱橫妖芒頓息今玄風之普扇大道開通使千載之幽陰重開於化日繼萬年之道統再

續於今時以明吾

中國聖人之道為謹執筆焚香告於

高厚而書之

南極冲虛妙道真君遐齡老人懼仙頌首書



冲

原道終

天皇至道太清玉冊目錄

上卷

- 開闢天地章
- 天皇龍文章
- 醜事儀範章
- 道教源流章
- 幹運造化章
- 天心玄秘章

道門官制章 赤文天律章

清規儀範章

下卷

宮殿壇場章

天樂仙仗章

冠服制度章

玉笈靈文章

數目紀事章

奉聖儀制章

全真儀式章

修真器用章

朝修吉辰章

醜獻祭品章

目錄終

天皇至道太清玉冊

南極冲虛妙道真君遐齡老人懼仙製

開闢天地章



其道也得之者可 以超天地以獨存 歷萬劫而不朽

天道 醜仙曰其道也老子所謂昔在天地未判之先有物混成先天地生惟象無形窈窕冥冥寂寥淡漠不聞其聲強為之名曰道夫道者高不可極深不可測包累天地稟受無形源流汙汙冲而不盈約而能

張幽而能明柔而能剛含陰吐陽而張三  
光山以之而高淵以之而深歎以之而走  
鳥以之而飛星曆以之而行以七取存以  
卑取尊以退取先故視之不見听之不聞  
無形而有形生為無聲而五音鳴為無味

而五味生為無色而五色成鳥故有生於  
無實生於虛以一之理施于四海之觀察  
於天地其全也敦方若撲其散也渾方若  
濁濁而徐清冲而徐盈澹然若大海汜方  
若浮雲若無而有若存而亡章氏得之以

學天地伏羲得之以襲氣毋離斗得之終  
古不忒日月得之終古不息崑崙馮夷得  
之以遊大川肩吾得之以處太山黃帝得  
之以登雲天顓頊得之以處玄宮禹強得  
之以處北極王毋得之坐乎少廣莫知其

始莫知其終彭祖得之上及有虞下及五  
百傳說得之以相武丁奄有天下乘東維  
騎箕尾而上為列星是以孔子問於老子  
曰今日宴閒敢問至道老子曰汝齋疏淪  
而心澡雪而精神培擊而知夫道實然難

言哉將為汝言其涯畧夫昭昭生於冥冥  
有倫生於無形精神主於道其來無跡其  
往無涯無門無房四達之皇皇也其用心  
不勞其應物無方天不得不高地不得不  
廣日月不得不行萬物不得不昌此其道

歎使道可以進人則人莫不各進之於其  
親矣使道可以告人則人莫不告之於其  
兄弟矣使道可以傳人則人莫不各傳之  
於其子孫矣然而不可者無他術也因中  
無所主則道不可得而知也子若歸而求

之於其身則道不遠矣孔子歸三日不談  
子貢惟而問曰夫子見老聃亦將何規哉  
孔子曰為吾知其能飛魚吾知其能游獸  
吾知其能走飛者吾可以贈游者吾可以  
綸走者吾可以網至於龍合而成體散而

成章乘雲氣而上天吾所不能測也今見  
老聃其猶龍乎吾口張而不能嚼神錯而  
不知所居吾又何規老聃哉是以顏子贊  
聖人之道仰之彌高鑽之彌堅瞻之在前  
忽然在後與夫老子所謂視之不見听之

不聞迎之不見其首隨之不見其後即此  
道也故曰皇天無二道聖人無兩心然如  
是子當整襟肅容抗手高揖為智者一言  
之且曰劫外有香應不遠吹入玲瓏仙子  
家若向這裏認得親切只須這一個道字

若不具眼又向鼻孔裏翻身去也 吐  
因開口為君咲不覺西山生白雲  
元氣 有物混成先天地生獨立而不改周  
行而不殆可以為天地母未有天地之時  
其氣混沌如鷄子溟滓始芽鴻濛滋明太

極元氣函三為一極中也元始也清輕者  
上為天濁重者下為地冲和之氣為人芒  
雜之氣為物昔在天地未分之前元氣混  
而為一是一太初太乙也道德經曰道生一  
一生二即此太極之元氣也

不極 無極而生太極動而生陽動極而靜  
靜而生陰靜極復動一動一靜互為其根  
分陰分陽兩儀立焉兩儀生四象四象生  
八卦造化定矣謂天理之尊號也極者至  
極之義樞紐根柢之名所謂天之樞紐根



概也

天地 元氣既分陰陽始判无声無臭輕清者上浮為天重濁者下沉為地天行健運行而不息日月星辰繫焉萬物覆焉天大地小表裏有水地乘氣而立戴水而浮天

運如車轂之運如笠之冒地表裏元氣之上譬覆蒼以抑水而不流者氣充其中也天論曰天圓如倚盖地方如棋局天旁轉半在地上半在地下日月本東行天西旋入于海牽之以西如蟻行磨上磨左旋蟻

右行磨疾蟻遲不得不西地常動而不止譬人之在舟中閉牖而坐舟行而不知此則元氣之剛健浮游而不息也通鑑外紀曰天地混沌如鷄子盤古氏生其中萬八千歲天地開闢陽清為天陰濁為地盤古

在其中一日九變神於天聖於地天日高一丈地日厚一丈盤古日長一丈如此萬八千歲天數極高地數極深盤古極長然則生物始於盤古天地萬物之祖也其死也頭為五岳目為日月脂膏為江海毛髮

為草木又曰盤古泣為江河氣為風聲為雷目瞳為電喜為晴怒為陰秦漢間俗說盤古頭為東岳腰為中岳左臂為南岳右臂為北岳足為西岳後乃有三皇此天地人之始也數起於一立於三成於五盛於

七處於九故天去地九萬里

天地度數 天体東西南北徑三十五萬七千里每一方八萬九千二百五十里自地至天八萬里以日照陽城之半為中乃体正圓也南極七十二度隱而不見為下規

北極七十二度見而不隱為上規每度二千九百三十里七十一步二尺七寸四分總而論之每度三千里自下度之每度如正午日輪之大三百六十五度下至泉壙第一壘上至星天九萬七千二百里下至

九幽洞淵上至星天一千二百一十八萬里黃帝考之數也

方隅里數 東極日出之所西陲日沒之所徑過二億二萬三千五百里零七十二步南極至北陲徑過二億三千五百里零七

十五步比東西少二萬里零四步禹命臣章亥步之數也

中央 得天地之正氣兼備五行之化在天曰五星在地曰五行在人曰五常故人之生也形貌正聲音正故軒轅以配天以中

其之色曰黃故其教也以天為主故曰天道凡帝王之有天下者莫不奉天以承天運欽崇天道以治天下故曰受天明命奄有四海

東方 日出之所發生之氣在焉主春屬木

其人仁名東夷夷从人乃得天地之氣清者也蓬萊三山方壘十洲在焉故人以長生為樂

西方 日落之所肅殺之氣在焉主秋屬金其人狠名羌胡名犬戎从羊从犬乃得天

地之氣濁者也兕戎兕陰類在焉故以死為樂

南方 離明之所炎熱之氣在焉主夏屬火其人狡變詐萬狀名田蛮从虫苗穰變翻之屬乃得天地駁雜之氣者也剪髮跣足

之國在鳥故以賊殺為樂

北方 積陰之所嚴寒之氣在鳥主冬屬水  
其人勇名北狄曰獫狁曰突厥以犬乃得  
天地陰晦之氣者也契丹匈奴在鳥故以  
病終為不祥戰死為吉利

陰

主

日月 帝王五運歷年紀曰盤古死後左目  
為日右目為月山海經曰東南海之外甘  
水之間有羲和之國有女子曰羲和羲和  
者帝之妻是生十日郭璞注云羲和蓋天  
地始生日月者也日者山海經曰犬荒之

中陽谷上有扶桑十人所浴九日居下枝  
一日居上枝皆有鳥於中淮南子曰日實  
也大明盛實日中有踰鳥謂三足鳥也山  
海經曰鍾山之神名曰燭陰視為晝暝為  
夜吹為冬呼為夏身長千里人面蛇身赤

色又曰燭龍天不足西北無陰陽消息故  
有龍對火精以照天門也月者淮南子曰  
月天之使也積陰之寒氣久而為水水氣  
之精者為月月者陰之象是以月駁而魚  
腦咸呂氏春秋曰月群陰之本月望則蚌

蛤實群陰盈月晦則蚌蛤虛群陰擊

星辰 星之為言精也萬物之精上為列星  
又曰水之精也又曰山川精氣上為列星  
又曰陽精為日日分為星故其製字以日  
生二字為星辰者北辰也謂之北極辰星

為總通曆曰地星氏定星辰後漢天文志  
注曰黃帝分星次常明者百二十四古名  
者三百二十微星萬一千五百二十黃帝  
創制之也禮記乃云帝嘗能序星辰蓋地  
皇氏始定為星辰黃帝又名之至帝嘗而

又序之也

北辰 北極有五星太乙常居中是極星也  
辰非星只是中間界分也夫宸極居中則  
列宿齊其軌自開闢有之  
星次 帝王世紀曰黃帝受命乃推分星次

陰

十四

以定律度漢志亦曰黃帝定星次即今尔  
雅所記十二與二十八舍之度皆自黃帝  
初之也

宿度 庖犧視五星之文分畧之度史記曆  
書曰黃帝名宿度驗臣贊謂超名宿度候

察進退三辰之度吉凶之驗也又曰漢武  
招致方術士唐都分天部漢書音義云謂  
分部二十八宿為距度而晉書天文志亦  
曰庖犧氏立周天曆度也

雲 坤雅曰天地之氣噓而成雲噓而成風

霧 騰水上溢故為霧又曰陰陽之氣亂則  
為霧又曰地氣上升天氣不應為霧

雨 陰陽之氣和而為雨水從雲下為雨  
者輔也輔時養也

八風 白虎通曰風者何謂也風之為言萌

也養物成功所以象八卦陽立於五極於  
九五九四十五日變變以為風陰合陽以  
生風距冬至四十五日條風至條者王也  
四十五日明庶風至明庶者迎衆也四十

陰

十五

五日清明風至清明者清淨也四十五日  
京風至景大也陽氣長養四十五日涼風  
至涼寒也行陰氣也四十五日闐闐風至  
戎收藏也四十五日不周風至不周者不  
交也陰陽未合化也四十五日廣莫風至

廣莫者大也。同陽氣也。故曰條風。至地。暖明。庶風。至萬物。產清明。風至。物形乾。景風至。棘造。實涼。風至。黍未乾。闔風。至。生蒸。來不周。風至。蟄虫匿。廣莫風。至。則萬物伏。是以王者承順之。條風。至。則出輕刑。解稽。

留明庶風。至。則修封疆。理田疇。清明風。至。出幣帛。使諸侯。景風。至。則許有德。封有功。涼風。至。報地德。化四鄉。闔風。至。則申象刑。飾困倉。不周風。至。則築宮室。修城郭。廣莫風。至。則斷大辟。行獄刑。

天漢。起于東方箕尾之間。謂之天河。亦謂之漢津。乃分為二道。其南。經傳說魚星。天鵝。天弁。河鼓。其北。經龜背。箕下。次絳。南北魁。左旗。至天津。下而合。南道乃西南行。又分夾。匏瓜。絡人星。杵。造父。騰蛇。王良。附路。閣道。此端門。太陵。天舡。卷舌。而南行。路五車。經北河之南。入東井。水位。而東南行。絡南河。關丘。天狗。天紀。天稷。在七星。南而沒。張衡云。津漢者。金之氣也。其本曰水。漢星多。則水星少。則旱。

雷電 淮南子曰。陰陽相薄。感而為雷。激而為電。迷異曰電。者。天公與王女。投壺。偶天不接。天為之笑。所以為電。

霜雪 天地之氣。凝肅。以露氣為霜。雨水為雪。

霰雹 陰陽相脅。而成。負陰抱陽於中。

虹蜺 陰陽不正之氣。純陽之攻陰也。雄曰虹。雌曰蜺。

陰陽 春秋內事曰。伏羲氏定天地。分陰陽五行。史記曆書曰。黃帝建立五行。起五部。

應劭曰。金木水火土也。孟康謂天有四時。分為五行。火始於燧人。氏上古之人。皆食果蓏。蚌蛤。生啖之。害腹胃。而多疾。聖人乃鑽木取火。教民炮生。為熟而食之。故號燧人氏。立傳教之。蓋為日中之布。與交易之。

道人情。迷通傳世。諸書所載。不同。太史司馬光。劉恕。有天下百餘氏。八萬年。或云。萬二十年。或云。傳四世。未知孰正。

十二辰 黃帝立子丑十二辰。以名月。又以十二名獸屬之。

生人之始 風俗通曰。傳說天地開闢。未有人民。女媧搏黃土。為人。刷務力。不暇。供乃引繩。組況中。舉以為人。故富貴者。黃土人。也。貧賤。凡庸者。組人也。淮南子曰。象帝生陰陽。土駢生耳。目。葉林生臂手。此女媧所

以七十化也。許慎注云。象帝。古天神所造人時。化生陰陽。土駢。葉杯皆神名。又曰。突生海人。海人生若菌。若菌生聖人。聖人生庶人。凡庸者。生庶人。突人之先。此人之始也。

歲星 木星也。降於人間。為貴人。東方朔乃木星之精也。自生而木星不現。解憤飛去。翌日。太史奏。歲星現。即其事也。熒惑。火星也。降於人間。為兒童歌謠。嬉戲。填星。土星也。降於人間。為婦人。太白。金星也。降於人

間。為狀夫。處於林麓之間。辰星。水星也。降於人間。為婦人。吉凶晦吝。休咎之徵。天垂象。以在。凡降必有所主。靈星 漢有天下高祖制。詔御史令天下立靈星祠。蓋祈穀也。

靈星 漢有天下高祖制。詔御史令天下立靈星祠。蓋祈穀也。

道教源流章

道教之來自太始太素之先鴻濛未兆之初  
天地溟滓混沌始芽於是時也必有主乎  
造化者存乎其間方能肇造天地建立三  
才當其日月未生山川未著事物未形理

象未顯之時其為象也渾渾噩噩大易所  
謂未畫之前即有主宰之者然而無形無  
名杳杳邈邈畢竟其知其自然生天生地  
生人生萬物者何物也老子始發其妙包  
舉二儀乃獨立其名曰道開闢天地始肇

萬有者必有其神莫得其名乃強名曰元  
始故有元始天尊之名為開闢天地之祖  
按洞元靈寶真誥元符經其畧曰昔天地  
未分陰陽未判溟滓大梵寥廓無光太上  
以三炁化生三境至老君而傳經傳教然

後萬範開張天真皇人見八角垂芒經文  
麗天九霄煥爛則而寫之科始有傳歷古  
迄今道教所以垂萬世而無窮焉凡帝王  
之所受天命者曰天子是以子之事天以  
天為父故仲虺之誥有曰欽崇天道永保

天命太甲曰先王顧諟天之明命以承上  
下神祇是以受天明命奄有四海上以奉  
天道下以治人事又曰上天春命又曰奉  
天承運是皆奉天也故其錄曰奉天門曰  
奉天承天未嘗不以天言也是以道之為  
教以天為主故曰奉天之道名曰道教

上三皇

天皇即玉清聖境元始天尊盤古氏是也  
昔在象帝之先空洞自然之中有百千萬  
重正炁結而化生妙無聖君歷尊號曰大

羅元始尊元為自然妙先上帝後人謂之  
元上道寶為萬炁之祖元象未著之初所  
謂道生一也一云未有盤古氏之前太初  
太始太素之先化生三才者其造化之主  
爭不得其名亦稱為元始又非盤古氏也

地皇即上清真境靈寶天尊地皇是也昔  
在延康瓊劫之先大梵溟滓之始有百千  
萬重真炁結而化生妙空聖君歷尊號曰  
玉宸大道君妙空上帝後人謂之太上經  
寶傳經傳教聲聞道範所謂一生二也

人皇即太清仙境道德天尊人皇是也昔  
在赤明混沌之中有百千萬重道炁結而  
化生妙有聖君歷尊號曰五靈元老君混  
元太上道君萬教之祖妙有上帝後人謂  
之玄上師寶番法演教使萬象具備所謂

中三皇

二生三三生萬物者也  
天皇即天寶君也以元始之玄炁化生中  
三皇之天皇氏也  
地皇即靈寶君也得元始之元炁化生中

三皇之地皇氏也  
人皇即神寶君也受元始之始炁化生中  
三皇之人皇氏也  
下三皇  
天皇即大昊伏羲氏以木德王也以元始

之玄炁化生者也紀號曰東華至真蒼天  
上帝仰觀俯察得龍馬負圖而畫卦命象  
始制書契以開萬有  
地皇即神農炎帝氏以火德王也得元始  
之元炁化生者也紀號曰南極朱陵丹天



上帝始嘗百草教人醫藥耨降百穀始有飲食

人皇即黃帝軒轅氏以土德王天下也受元始之始炁化生者也紀號曰太乙黃天上帝始製衣服宮室禮樂文字舟車器用

民生衣食之通於此倫矣帝鑄九鼎於荆山丹成有黃龍垂髯下迎帝與御女八十一人從臣七十二人乘雲龍而登天按太史王曆觀象天文云柳宿之下星宿之吹有軒轅十七星是其驗也後世始有煉丹

飛丹之道傳於世

太上老君 按聖紀云太上老君居太清仙境之上乃元炁之祖宗天地之根本於至寂至虛之內太初太始之先開闢天地化生萬物之主宰也推教御運布氣融精開化天地所歷成壞二儀不可量計其化身周遍塵沙世界非可以數紀極開闢之後觀世道之淳厚隨時立教代為帝師建立法度或流九天或傳四海自三皇而下歷代帝王咸宗奉焉是知天上天下道系之

世一

世二

內皆老君之所化也垂億萬之法無不濟度蓋百姓日用而不知者也此太上老君之番號於此見焉

老子 名耳一名聃字伯陽父真人李靈飛之子也在周之時有大德者皆稱父如孔

子稱尼父是也非太上老君按商史謂老子楚人也當殷陽甲十七年庚申始示誕生之迹自太清道境乘太陽日精化五色玄黃之珠大如彈丸王女晝寢流入口中吞之有孕懷八十一歲至武丁九年庚辰

自玉女左腋而生生皓首號曰老子生於李樹之下即行教步一手指天一手指地曰天上天下三界之內生天生地生人生物物皆道之所化故惟道獨尊指李樹曰此吾姓也遂名耳字伯陽自武丁九年庚

辰下生厥後大闢其道後世見其道之大遂亦以為太上老君之稱君者帝聖之稱子者男子之通稱蓋老子所闡之道即老君之道也若其前後化生下降之迹則世代有之故能垂範立教太崇玄風萬世又

以老子為教主矣所以後之宗其教者亦尊之為老君不知者因誤以為三清之老君也當商之時老子為西伯之柱下史在周武王時為守藏史歷商至周九百年而西昇崑崙按太史公史記曰莫知所終孔

子謂老彭商之賢大夫也劉向紀老子乃商人也此儒典之所載明矣其滅道之書忌其老子於昭王之二十三年出闕西化之說乃移老子生於定王之世其通鑑載幽王之時已有老子嘆河竭之說幽王乃

定王之十代祖也相隔十世已有老子之名矣其訛謬不可掩也按梁武帝與昭明太子所編文選一書乃取齊王簡樞之碑文以證其偽矣此萬世不易之公論也孰先孰後則可知也其文有曰周魯二莊親

昭夜景之鑑漢晉兩明並勒丹青之飾五臣註曰二莊而生兩明而與此儒典之所載非道家之書所有魏明帝有序歷代帝王有贊老子之生皆載之簡冊其證明矣又按唐八學士之議狀考論又明矣持欲

11030 A.D.10

欺人安能欺儒典乎嗚呼艱哉按列傳老子至秦昭王九年當周赧王之世周道衰赧王入秦獻地而大周革命老子知秦暴虐其道不行乃西暴崑崙而莫知所終此其實也莊子得老子之道通神明之德標

天地之玄知運會之數明天地升降之理察世態治亂之機謂齊人郁楨曰後一百五十七年周運當下一百七年當甲寅之歲老子知周之將亡於秦至秦道運否塞老子必隱老子

曰老聃危秦佚帛之三號而出死者道衰也故以秦佚為人之名佚者以立人旁加失字曰佚故以秦佚二字為人之名謂秦夫人也乃曰秦佚帛之三號而出者一曰吾道喪矣二曰我何為矣三曰秦夫人矣

此莊子通神明之道見於此也

秦始皇時老子降于下邳地橋授張良素書號黃石公

漢文帝時老子降于陝河之濱號河上公亦曰河上丈人帝親訪之太上授以道德

經

成帝時老子

平經註明

安帝時老子降于泰山名江夏定天下

順帝時老子降于

盟威秘籙

桓帝時老子降于

注生之法又降于

邪之法

靈帝時老子降于天台山授葛玄上清靈寶太洞等經魏陳留王時老子降于隴右

臨洮郡謂王始曰天下不又當太平

後魏明帝時老子降于嵩山授道士寇謙之雲中音誦新科之戒

太武皇帝時老子降于嵩山命謙之授帝以太平真君之號遂改元太平真君

隋煬帝時老子降于終南山語山人李淳風以唐公受命之符

唐高祖時老子降于羊角山語吉善行言

唐太宗時老子降于

唐高祖時老子降于

唐高祖時老子降于

唐高祖時老子降于

唐祚事五月告以成業

高宗時老子降于太極殿諸王大臣及妃御咸拜禮之又降于陽清廟

武后時老子降于魏州言武后不可革命事又降于春明門

玄宗時老子降于蜀又降于五鳳樓之通衢告錫靈符在尹喜之故宅又降于乾元閣遂改閣為降聖閣又降于太白山又降于和州以示收祿山之兆

肅宗時老子降于通化郡雲龍岩

敬宗時老子降于太清宮

宋徽宗時老子降于茅山

欽宗時老子降于洛陽告李若水母其子忠感天地上帝陞之為天官矣

自金虜亂華變夏為夷世不一出矣以

是考之老君化身之迹渺渺萬劫升降往來杳乎不測歷代尊崇封謚番法帝王所以昭其教於無窮焉此老子之事實也其教傳漢張道陵為天師代天宣化也

唐高祖時老子降于

唐高祖時老子降于

唐高祖時老子降于

唐高祖時老子降于

唐高祖時老子降于

唐高祖時老子降于

唐高祖時老子降于

唐高祖時老子降于

天師六合無窮高明大帝 天師姓張諱道陵字輔漢沛置邑人其先出自姬姓軒轅子青陽氏第五子揮為子正始造弓矢主祀孤星世掌其職賜姓張氏周宣王時有張仲其後傳八世相韓昭侯其後生平早

生良字子房仕漢封留侯留侯子不疑不疑次子高高子通通子無妄無妄子里仁里仁子覺覺子起起子大順天師乃大順長子也漢建武十年甲午正月十五日生於吳天目山暨長入龍虎山合九天神丹

太上授以經錄秘文是為玄教之宗

玄帝 按道藏真誥稽神樞曰玄帝者青軒轅子昌意娶蜀山氏之女生高陽德號顛顛項父居弱水之鄉項身陶七河之津是為玄帝也仗萬靈以信順監衆神以導物

役御百氣召致雷電於是乘結元之輩止巡幽陵南至交趾西濟流沙東至嶧木動靜之類大小之神日月所照莫不屬焉四行天下周旋八外諸有洞臺之山陰宮之丘皆移安息之石封而填之鑄羽山之銅

為寶鼎各獸以一於洞山神峯不獨句曲一山而已此所謂玄帝其真誥之所載也又按古史云古者民神異業少皞之衰九黎亂德民神雜揉不可方物顛頊乃命南正重司天以屬神北正黎司地以屬民使

復舊常無相侵噴始作曆以孟春為元是為曆宗也去古既遠其道廢雖為胡火所蝕而其誥一書事蹟尚存蓋亦天道之有在也且古有黃帝玄帝之稱者謂軒轅黃帝顛頊玄帝也

南極老人星 共工氏之子句龍獲得道千有餘歲上昇居南極為壽星去極一百四十三度入井宿三度在孤矢星之南一曰南極常以秋分之且見于丙春分之夕沒于丁常以秋分候之南郊明大則主壽昌

主天下生民壽算蓋北極在丑辰故南極在未坤南極入地三十六度不可得而見也故其精神出地以見乎南謂之南極老人然其出地亦不甚遠故隱見不常見則為祥其勢位等威蓋與中斗相並以輔上

帝故雖在井宿之南不在井宿之次常以二月二日以大牢祀之八月二十六日下降人間為有德者增壽此天文志所載也南派 自漢始鹿堂趙昇華陽李亞鍾離權呂岩劉海蟾張紫陽冲昭王馬自然石杏

林薛道光陳泥丸白玉蟾等始之北派 自宋始王重陽至東海見海中金蓮七朵師曰此處當有七真出於是度丘劉譚馬郝王孫七真今全真之教自此始

附一 廿七